

Prof. dr Azra Hadžiahmetović, redovni profesor Ekonomskog fakulteta Univerziteta u Sarajevu, predsjednik

Prof. dr Fikret Čaušević, redovni profesor Ekonomskog fakulteta Univerziteta u Sarajevu, član

Prof. dr Adnan Efendić, vanredni profesor Ekonomskog fakulteta Univerziteta u Sarajevu, član

VIJEĆU EKONOMSKOG FAKULTETA UNIVERZITETA U SARAJEVU

Na osnovu čl. 106 Zakona o visokom obrazovanju, čl. 152 Statuta Univerziteta u Sarajevu, Odluke Senata Univerziteta u Sarajevu br. 01-9017/17 od 27.12.2017. godine i Odluke Vijeća Ekonomskog fakulteta Univerziteta u Sarajevu od 12. decembra 2017. god., Vijeće Ekonomskog fakulteta Univerziteta u Sarajevu je na sjednici održanoj 12. februara 2018.god. imenovalo Komisiju za pripremu prijedloga i Izvještaja o izboru jednog saradnika u zvanje viši asistent, nepuno radno vrijeme, po raspisanom Konkursu koji je objavljen u dnevnom listu „Oslobodjenje“ i web stranici EFSA dana 10. Januara 2018. god. na oblast EKONOMIJA. Nakon prijema Rješenja br. 02-666/2018 od 12.02.2018.god., dopisa Službe za pravne i personalne poslove EFSA kao i dokumentacije pristigle na objavljeni Konkurs, Vijeću Ekonomskog fakulteta Univerziteta u Sarajevu podnosimo slijedeći

IZVJEŠTAJ.

Na raspisani Konkurs za izbor jednog saradnika u zvanje viši asistent, oblast EKONOMIJA, nepuno radno vrijeme, pristigle su prijave sa dokumentacijom dva kandidata:

1. mr Dražen Laštro,
2. Adnan Muminović, MA.

Dokumentom br. 07-6-388/18 od 29.01.2018. godine, a na osnovu čl. 107. Zakona o visokom obrazovanju, Rukovodilac Službe za pravne i personalne poslove EFSA dostavio nam je POTVRDU o potpunosti, blagovremenosti i uskladenosti pristiglih prijava sa uvjetima utvrđenim Konkursom i naznakom broja prijavljenih kandidata, kao i sa naznakom zvanja za koja se kandidati prijavljuju. Kako je navedeno u Potvrdi, mr Dražen Laštro nije dostavio sve tražene dokumente i njegova prijava je blagovremena ali nije potpuna i nije usklađena sa uvjetima utvrđenim Konkursom od 10.01.2018. godine. Muminović Adnan, MA, je dostavio sve tražene dokumente i njegova prijava je potpuna, blagovremena i uskladjena sa uvjetima utvrđenim Konkursom od 10.01.2018. godine.

Na osnovu navedenog, Komisija je razmatrala prijavu kandidata Muminović Adnana, MA.

1. Podaci o kandidatu

Adnan Muminović rođen je 26. augusta 1987. god. u Sarajevu. Osnovnu školu završio je u Minhenu, Njemačka, a srednju – Prvu gimnaziju u Sarajevu. Prvi ciklus studija pohađao je na Ekonomskom fakultetu Univerziteta u Sarajevu koji okončava kao student Dekanove liste najboljih studenata 2009. god. i stiče zvanje Bakaleureat/Bachelor EKONOMIJE – prosječna ocjena 9,1. U 2013. god. završava drugi ciklus studija u Centru za interdisciplinarnu postdiplomske studije Univerziteta u Sarajevu – smjer EVROPSKE STUDIJE i stiče zvanje Magistar Evropskih studija – prosječna ocjena 9,73. Od 2017. god. pohađa III ciklus studija – doktorski studij na Ekonomskom fakultetu Univerziteta u Sarajevu.

Kandidat govori engleski i njemački jezik (C2, Cambridge Certifikat, TOEFL, Goethe C2 ZOP Certifikat).

Radni angažman kandidat je započeo u Vijeću mladih Grada Sarajeva (sept. 2005.-august 2006.). U periodu mart – august 2012. kandidat boravi na stručnoj praksi u Bundestagu, Berlin, Njemačka, a od oktobra 2012. do januara 2013. posredstvom Hainrich Boell Foundation boravi na praksi u Washingtonu, SAD. Po povratku u BiH, do kraja decembra 2013. god. radio je kao istraživač u Centru za politike i upravljanje. Od decembra 2013. do augusta 2014. god. radio je u Uredu specijalnog predstavnika Evropske unije u BiH. Kao politički savjetnik u ambasadi Norveške u BiH radi u periodu august 2014.-mart 2016. god., od kada ponovno počinje rad u Uredu specijalnog predstavnika EU u BiH – kao političko ekonomski savjetnik, gdje je angažovan i danas.

Od maja 2014. god. kada je izabran u zvanje asistenta na užoj naučnoj oblasti EKONOMIJA, nepuno radno vrijeme, radi i na Ekonomskom fakultetu Univerziteta u Sarajevu kao asistent na predmetima Makroekonomija, Ekonomija Evrope i Ekonomska diplomatija.

Pored osnovne edukacije na I i II ciklusu studija, kandidat je sticao i dodatne forme obrazovanja:

- British-Bosnia and Herzegovina Fellowship Programme, London,
- Cambridge Academy of English, Cambridge,
- AIPES (Američki institut za političke i ekonomske sisteme, Prague,
- Medjunarodna ljetna škola SEGGAU, Grac,
- Regionalna škola političke filozofije dr Zoran Djindjić, Beograd.

Od izbora u zvanje asistent, kandidat je objavio slijedeće radove:

1. O. Callaghan, Gary and Muminovic, Adnan: Reform Agenda for Bosnia and Herzegovina: Conception and Early Progress; Vision 2020: Bosnia and Herzegovina Towards Its European Future; Washington, DC; Center for Transatlantic Relations, 2017; ISBN: 978-0-9907721-0-1
2. Muminović, Adnan: Zavisnost reformske politike Zorana Djindjića od finansijske podrške medjunarodne zajednice; Beograd, Fondacija dr Zoran Djindjić, 2013; p. 5-15, ISBN: 978-86-909999-5-8.
3. Uz ovo, kandidat navodi i dva članka/eseja objavljena u Buka Online Magazine (2013. I 2017.)

Podsjećamo, do izbora u zvanje asistent, kandidat je objavio dva članka i dva eseja u online magazinima.

2. Mišljenje i prijedlog Komisije

Na osnovu navedenog pregleda i uvida u dostavljenu dokumentaciju kandidata Muminović Adnana, MA, Komisija konstatuje sljedeće:

1. Kandidat zadovoljava uslove za izbor saradnika u zvanju viši asistent, propisane Zakonom o visokom obrazovanju (Čl. 96) i Statutom Univerziteta u Sarajevu;
2. Komisija konstatuje da se radi o kandidatu sa izvanrednim rezultatima postignutim tokom studija na I i II ciklusu studija;
3. Komisija smatra posebno vrijednim interes kandidata za dodatnim usavršavanjima u okviru profesionalnog i stručnog interesovanja kandidata, kao i nastavak studija na Doktorskom programu EFSA;
4. Komisija cijeni posebno korisnim činjenicu da je kandidat u dosadašnjem nastavnom procesu uspješno integrirao teorijske i praktične aspekte tematskih područja vezanih za predmete na kojima izvodi nastavu;
5. Na osnovu izloženog, Komisija predlaže Vijeću Ekonomskog fakulteta Univerziteta u Sarajevu da, po raspisanom konkursu za izbor jednog saradnika na užoj naučnoj oblasti EKONOMIJA, nepuno radno vrijeme, izabere kandidata Muminović Adnana, MA, u zvanje viši asistent.

Sarajevo, 22.02.2018. godine

KOMISIJA

Prof. dr Azra Hadžiahmetović

Prof. dr Fikret Čaušević

Prof. dr Adnan Efendić